



JABATAN PERDANA MENTERI

# MITRA

UNIT TRANSFORMASI MASYARAKAT INDIA MALAYSIA

UNIT TRANSFORMASI MASYARAKAT INDIA MALAYSIA

JABATAN PERDANA MENTERI

Aras 4, Blok D5, Kompleks D

Pusat Pentadbiran Kerajaan Persekutuan

Presint 1, 62502, Wilayah Persekutuan Putrajaya, Malaysia

No. Tel: 03-8886 6221

E-mel: infomitra.jpm.gov.my

---

JPM.MITRA.100-9/1/1 (5)

**KENYATAAN MEDIA  
PENGUMUMAN PROGRAM-PROGRAM INISIATIF  
UNIT TRANSFORMASI MASYARAKAT INDIA MALAYSIA (MITRA)  
JABATAN PERDANA MENTERI  
TAHUN 2023**

**PUTRAJAYA, 05 MEI 2023** – Unit Transformasi Masyarakat India Malaysia (MITRA), Jabatan Perdana Menteri (JPM) telah merancang beberapa program Inisiatif MITRA yang akan dilaksanakan pada tahun ini. Program-program tersebut akan memfokuskan kepada (i) Pendidikan dan Pengajian Tinggi (ii) Ekonomi dan Latihan Kerja dan (iii) Kebajikan dan Kesejahteraan Sosial. Program-program tersebut adalah seperti berikut:

- i. **Program Subsidi Bantuan Pengajian Ijazah Sarjana Muda bagi Pelajar India Kategori B40 di Universiti Awam (UA).** Tujuan program ini adalah untuk meringankan beban kewangan ibubapa di mana anak-anak mereka sedang belajar di Universiti Awam. Mahasiswa-Mahasiswi dalam pengajian tahun kedua, ketiga atau tahun akhir pengajian Ijazah akan menerima bantuan subsidi secara one-off bernilai RM2,000. **Seramai 10,000 orang pelajar India B40 di Universiti – Universiti Awam akan menerima manfaat ini, di mana anggaran perbelanjaan adalah sebanyak RM20 juta.** Program akan dilaksanakan secara kolaboratif bersama dengan pihak Bank Simpanan Nasional (BSN) dan dijangkakan bantuan subsidi ini dapat mengurangkan beban kewangan pelajar dan ibu bapa khususnya dalam menghadapi kenaikan kos sara hidup. **Permohonan akan dibuka pada 8 Mei 2023, Isnin jam 2 petang sehingga 15 September 2023, Jumaat jam 5.00**

**petang. Permohonan yang diterima akan diproses berdasarkan *First Come, First Serve*.**

ii. **Program Subsidi Pendidikan Awal Tadika Swasta (Tamil) yang berdaftar dengan Kementerian Pendidikan Malaysia (KPM).** Tujuan pemberian bantuan subsidi pendidikan awal ini adalah untuk membantu mengurangkan isu keciciran dalam pendidikan awal dan masalah literasi serta numerasi di kalangan kanak-kanak masyarakat India B40. Subsidi bernilai RM200 sebulan meliputi yuran tadika dan sarapan pagi untuk 12 bulan. **Seramai 4,500 kanak-kanak India B40 akan menerima manfaat ini, di mana anggaran perbelanjaan dijangkakan sebanyak RM 10.8 juta.** Subsidi pendidikan akan dibayar terus kepada pengusaha-pengusaha tadika.

Permohonan ini telah dibuka kepada Tadika Swasta (Tamil) yang menggunakan bahasa Tamil sebagai bahasa pengajaran utama pada 17 April 2023 sehingga 16 Mei 2023. Walau bagaimana pun **tarikh permohonan ini akan dilanjutkan sehingga 28 Mei 2023 jam 5.00 petang, bagi memastikan semua pengusaha tadika swasta (Tamil) yang memenuhi kriteria, tidak ketinggalan untuk memohon program ini dan permohonan akan diproses berdasarkan *First Come, First Serve*.**

iii. Program Inisiatif Kesejahteraan Sosial melibatkan program **subsidi bantuan Dialisis** untuk masyarakat India kategori B40. Program kesihatan tersebut mensasarkan **900 pesakit kronik buah pinggang** yang memerlukan bantuan dialisis melibatkan bayaran subsidi **RM200 untuk satu sesi dialisis.** Bantuan subsidi ini adalah untuk bayaran empat kali sebulan selama setahun. Sebanyak **RM8.64 juta telah diperuntukkan bagi Program Bantuan Dialisis** tersebut. Bantuan tersebut akan dapat meringankan beban pesakit kronik buah pinggang dari golongan B40 India yang tidak mampu menanggung kos rawatan dialisis selain kesinambungan rawatan dan menjamin kualiti kesejahteraan kesihatan. Program ini akan dilaksanakan dengan kerjasama pusat-pusat dialisis yang sedia ada. **Permohonan akan dibuka pada 8 Mei 2023, Isnin jam 2 petang sehingga 30 Ogos 2023, Rabu jam 5.00 petang. Permohonan yang diterima akan diproses berdasarkan *First Come, First Serve*.**

iv. Berkaitan dengan permohonan Geran Kewangan oleh Organisasi-Organisasi, adalah dimaklumkan MITRA telah pun melanjutkan tempoh permohonan ke 28 Mei 2023, Ahad sehingga pukul 5 petang. Setakat 4 Mei 2023, Khamis sebanyak **1,227 permohonan bernilai RM443,002,019.00** telah diterima secara atas talian (online).

2. **Program yang telah diumumkan berjumlah sebanyak RM39,440,000.00. Manakala permohonan geran adalah RM30,000,000.00. Beberapa lagi program berimpak tinggi yang dapat membantu meningkatkan sosioekonomi masyarakat India Malaysia akan diumumkan dalam masa terdekat.**

**-TAMAT-**

**YB. DATO' RAMANAN RAMAKRISHNAN  
AHLI PARLIMEN SUNGAI BULOH MERANGKAP  
PENGERUSI JAWATANKUASA PASUKAN PETUGAS KHAS (JPPK)  
UNIT TRANSFORMASI MASYARAKAT INDIA MALAYSIA  
JABATAN PERDANA MENTERI  
05 MEI 2023**